



REPUBLIKA E KOSOVËS
REPUBLIKA KOSOVA/REPUBLIC OF KOSOVO
KOMUNA SHTIME
OPŠTINA ŠTIMLJE/MUNICIPALITY OF SHTIME



Drejtoria për Kulturë, Rini dhe Sport

Data/Datum/Date:	20.5.2025
Nr.Br.No:	09/18
Për/ Za/To:	Kuvendi i Komunës-Shtime
Nga/Od/From:	Drejtoria për Kulturë, Rini dhe Sport Drejtoresha, Albana Fazliu
Lënda/ Predmet/Subject:	Informatë

Të nderuar,

Gjatë periudhës Janar-Maj në Drejtorinë për Kulturë, Rini dhe Sport janë zhvilluar shumë aktivitete të cilat janë të elaboruara në vijim.

15 JANARI 2025 – “DITËT PËRKUJTIMORE TË MASAKRËS SË REÇAKUT”

Në këtë vit, për nder të 15 Janarit, janë organizuar “Ditët Përkujtimore të Masakrës së Reçakut”. Aktivitetet janë mbajtur nën patronatin e Kryeministrit të Republikës së Kosovës, në përkujtim dhe nderim të kësaj dite, duke filluar nga data 5 janar.

- **5 janar 2025-** Në kuadër të aktiviteteve për shënimin e 26-Vjetorit të Masakrës së Reçakut, të rinjtë e fshatit Reçak kanë organizuar Turnirin Memorial “Ditët e Reçakut”
Foto:



- **12 janar 2025-** Me rastin e 26-Vjetorit të Masakrës së Reçakut, ShBA “Guri i Shtrenjtë” dhe ShBA “Vjosa” organizuan ecjen tradicionale përkujtimore në shtegun Shtime – Belinc – Rancë – Reçak.
Foto:



- **14 janar 2024-** Është organizuar ora e parë mësimore, kushtuar 15 Janarit, Masakrës së Reçakut në të gjitha shkollat Komunës së Shtimes dhe të gjithë Kosovës. Për të kujtuar këtë ngjarje historike në gjimnazin “Naim Frashëri” në Shtime kryetari z. Qemajl Aliu bashk me drejtoreshën e DKA-së dhe Isak Asllanin morën pjesë në një orë mësimore.

Foto:



- **15 janar 2025-** Në përkujtim të 26-vjetorit të Masakrës së Reçakut, për të nderuar viktimat e kësaj ngjarjeje tragjike, e cila tronditi botën dhe mobilizoi ndërkombëtarët për ndërhyrje, krerët shtetërorë, përfaqësues të institucioneve dhe qytetarë nga e gjithë Kosova bënë homazhe dhe vendosen kurora me lule në Kompleksin Memorial në Reçak.

Foto:



- **15 janar 2025-** Në Shtëpinë e Kulturës në Shtime, u mbajt Akademia Përkujtimore ku u nderuan dhe u përkujtuan 45 civilëv të pafajshëm të masakruar nga forcat serbe. Në këtë ceremoni, krerët më të lartë të shtetit, qytetarët dhe personalitete ndërkombëtare u mbledhën për të rikujtuar këtë akt mizor dhe për të kërkuar drejtësi për viktimat. I pranishëm në Akademi, ishte dhe ambasadori William Walker, dëshmitari kryesor i masakrës, e quajti Reçakun si simbol të tragjedisë dhe rezistencës njerëzore.

Foto:



- **15 janar 2025-** Në Shtëpinë e Kulturës në Shtime u mbajt edicioni i parë i ekspozitës “Çmimi William Walker”. Në këtë ekspozitë morën pjesë artistë nga rajoni dhe më gjerë, duke paraqitur punime që reflektojnë dhe dokumentojnë dhimbjen, vuajtjet dhe qëndresën e popullit shqiptar gjatë periudhës së luftës. Çmimi kryesor, “William Walker”, iu dha artistit Zenun Sherifi nga Maqedonia e Veriut, për veprën e tij mbresëlënëse që mishëron tragjedinë dhe guximin njerëzor.

Ekspozita u ideua dhe organizuar nga artistja Emine Jetishi, e cila me përkushtim të madh realizoi këtë iniciativë të veçantë.

Fituesit dhe pjesëmarrësit u vlerësuan nga një juri profesionale e kryesuar nga Fortesa Beqa-Arifi, Ilmi Sadiku dhe Muamer Sadiku, të cilët theksuan nivelin e lartë artistik të punimeve dhe rëndësinë e ruajtjes së kujtesës përmes artit.

Foto:



- **16 janar 2025-** Në Palestrën e Sporteve në Shtime u zhvillua Turniri Memorial “Ditët e Reçakut”, organizuar me përkushtim nga të rinjtë e fshatit Reçak.

Turniri në futboll bashkoi dhjetëra ekipe, duke krijuar një garë të fortë dhe emocionuese. Në finalen e madhe, FC “Vjosa” triumfoi kundër FC “Infra ING”, duke fituar trofeun e turneut përmes një loje të shkëlqyer dhe angazhimi të jashtëzakonshëm.

Foto:



- **19 janar 2025-** Në përvjetorin e rënies heroike të Komandantit Ahmet Kaçiku, familjarët e dëshmorëve, përfaqësuesit e Shoqatave të dala nga lufta e UÇK-së, përfaqësues të institucioneve komunale dhe qytetarë, kan bërë homazhe dhe buqeta lulesh u vendosën pranë varrit të Komandantit të Brigadës 161 në Zonën Operative të Nerodimës.

Foto:



17 SHKURTI 2025 – 17 VJETORI I PAVARËSISË SË KOSOVËS

Përvjetori i Pavarësisë së Kosovës është shënuar me aktivitete të ndryshme të organizuara në bashkëpunim me shkollat, OJQ lokale, AKV “Ilirida” dhe klubet sportive

- **14 shkurt 2025-** Në kuadër të aktiviteteve për shënimin e 17 Shkurtit-Ditës së Pavarësisë së Kosovës, në Shkollën Profesionale në Shtime është mbajtur një ligjëratë nga përfaqësues të MK Veteranët e Ushtrisë Çlirimtare të Kosovës të Zonës Operative të Nerodimes. Kjo ngjarje u organizua me qëllim të kujtimit të sakrificës për lirinë e vendit dhe edukimit patriotik të të rinjve. Ligjërata kryesore u mbajt nga përfaqësuesi i MK Veteranët e UÇK-së të Zonës Operative të

Nerodimes, Përparim Luzha, i cili ndau me të pranishmit kujtime dhe mësim nga lufta, duke theksuar rëndësinë e ruajtjes së identitetit dhe vlerave kombëtare.

Foto:



- **14 shkurt 2025-** Në ambientet e Bibliotekës së qytetit, me rastin e 17-vjetorit të Pavarësisë së Kosovës, u organizua gara e pikturimit dhe shkrimit, ku morën pjesë nxënës të shkollave fillore. Kjo ngjarje festive mbledhi fëmijë të talentuar që përmes vizatimeve dhe shkrimeve të tyre shprehën dashurinë dhe përkushtimin për vendin e tyre.

Foto:



- **16 shkurt 2025-** Në një atmosferë festive, në Shtëpinë e Kulturës në Shtime u shënuar Dita e Flamurit të komunitetit Ashkali. Ky aktivitet i rëndësishëm u organizua me qëllim të promovimit dhe ruajtjes së kulturës, traditave dhe vlerave të këtij komuniteti. Përmes këtij eventi u përcoll një mesazh i rëndësishëm për ruajtjen e traditave dhe për fuqizimin e bashkëpunimit mes komuniteteve në Kosovë.

Foto:



- **16 shkurt 2025-** Në vazhden e aktiviteteve për shënimin e 17-vjetorit të Pavarësisë së Kosovës, Shoqata Bjeshkatarë Alpiniste (SHBA) “Vjosa” nga Shtimja ka organizuar “Marshin e Pavarësisë”, një ngjarje simbolike që synoi të promovojë bjeshkatarinë dhe vlerat natyrore të vendit tonë. Marshi i ecjes nisi nga “Sheshi i Flamurit” në fshatin Mollopolc, ku dhjetëra bjeshkatarë dhe dashamirës të natyrës u mbledhën dhe vazhduan rrugëtimin e tyre drejt ujëvarave të Mollopolcit. Në përfundim të marshit, organizatorët ndanë mirënjohje për bjeshkatarët dhe kontribuuesit që kanë luajtur një rol të rëndësishëm në zhvillimin e SHBA “Vjosa” dhe në promovimin e bjeshkatarisë në Kosovë.



- **16 shkurt 2025-** në Shtëpinë e Kulturës në Shtime, është mbajtur shfaqja teatrale “Lenorë”, nën regjinë e Bashkim Ramadanit, dramë kjo e cila u mirëprit ngrohtësisht nga publiku i pranishëm. Shfaqja ishte pjesë e aktiviteteve kulturore me rastin e 17-vjetorit të Pavarësisë së Kosovës.
Foto:



- **17 shkurt 2025-** Për të shënuar 17-Vjetorin e Shpalljes së Pavarësisë së Republikës së Kosovës, në Kuvendin e Komunës së Shtimes është mbajtur seanca solemne.

- Përfaqësues të institucioneve, përfaqësues të organizatave të dala nga lufta, veteranë të UÇK-së dhe familjarë të dëshmorëve si dhe me bashkëqytetarë të shumtë kan bërë homazhe pranë shtatores së komandantit legjendar Adem Jashari, për të vazhduar më pas në varrezat e dëshmorëve në Shtime, Carralevë, Rancë, Reçak dhe Mollopolc me vendosjen e kurorave me lule.

Foto:



- Në kuadër të aktiviteteve për shënimin e kësaj dite historike, Klubi i Motocross-it “Vjosa” nga Shtimja, ka organizuar një parakalim simbolik me motorë nga varrezat e dëshmorëve në Shtime, duke dhënë një mesazh respekti dhe krenarie për të kaluarën heroike të vendit tonë.
- **17 shkurt 2025-** Në sallën e Kuvendit të Komunës së Shtimes, është mbajtur ceremonia e zgjedhjes së laureatëve të sportit për vitin 2024. Ky aktivitet ishte pjesë e festimeve për 17 Shkurtin-Ditën e Pavarësisë së Kosovës, duke vënë në pah sukseset dhe angazhimin e sportistëve dhe klubeve sportive të qytetit.

- Viti 2024 ishte një vit i pasur me suksese për sportin në Shtime, ku klubet dhe individët e komunitetit sportiv dëshmuuan se puna dhe përkushtimi sjellin rezultate të shkëlqyera.
- Në këtë ceremoni, një vëmendje e veçantë iu kushtua veteranëve të sportit, të cilët kanë kontribuar ndër vite në zhvillimin e sportit në Shtime. Me mirënjohje u nderuan:
- Ylber Imeri – ish-futbollist,
- Bajrush Baftiu – ish-hendbollist,
- Adrian Arifi – ish-futbollist dhe
- Emrush Xhema – ish-karateist
- Gjithashtu, u nderuan me mirënjohje post-mortum personalitetet e shquara të sportit, të cilët lanë gjurmë të pashlyera në komunitetin sportiv:
- Taib Zeqa dhe Nebahate Brahaj Gashi, mirënjohjet për të cilët u pranuan nga familjarët e tyre.
- Në këtë ceremoni u vlerësuan sportistët më të dalluar të vitit në kategori të ndryshme:
- **Kategoria e Kadetëve**
- Anesa Nuha – volejbolliste (KVF “Vjosa”) – vendi i tretë,
- Anesa Ramadani – volejbolliste (KVF “Vjosa”) – vendi i tretë,
- Anesa Abazi – hendbolliste (KHF “Vjosa”) – vendi i dytë dhe
- Erion Syla – futbollist (KF “Vjosa”) – vendi i parë
- **Kategoria e Juniorëve**
- Eliza Miftari – volejbolliste (KVF “Vjosa”) – vendi i tretë
- Anesa Shabani – hendbolliste (KHF “Vjosa”) – vendi i dytë,
- Anesa Ismajli – tenisere – vendi i parë
- Trajnerët dhe Punëtorët më të Dalluar të Sportit:
- Alban Iballi – trajneri më i suksesshëm i senioreve për vitin 2024,
- Avdullah Beqiri – trajneri më i suksesshëm për të rinjtë në vitin 2024,
- Urim Krasniqi – punëtori më i dalluar sportiv për vitin 2024
- **Klubet dhe Skuadrat më të Suksesshme:**
- Klubi më i suksesshëm në sportet ekipore (femrat) – KHF “Vjosa”,
- Skuadra më e suksesshme në kategorinë e pioniereve – KHF “Vjosa”,
- Futbollistja më e suksesshme që ka luajtur në një skuadër tjetër – Fatime Beha.
- **Kategoria e Senioreve – Femrat:**
- Sara Ramadani – volejbolliste (KVF “Vjosa”) – vendi i tretë,
- Elsa Muharremi – volejbolliste (KVF “Vjosa”) – vendi i dytë,
- Vjosa Imeri – hendbolliste (KHF “Vjosa”) – vendi i parë
- **Kategoria e Seniorëve – Meshkujt:**
- Ideal Ademaj – futbollist (KF “Vjosa”), vendi i tretë,
- Albin Syla – futbollist (KF “Shtimja 26” – futsal), vendi i dytë,
- Anton Daka, futbollist (KF “Vjosa”-futsal), vendi i parë.
- **Sportisti më i Suksesshëm në Nivel Kombëtar dhe Ndërkombëtar:**
- Për arritjet e tij të jashtëzakonshme në nivel kombëtar dhe ndërkombëtar, me suksese kulminante në peshkim, Astrit Dauti u shpall Sportisti më i Suksesshëm i Vitit 2024.
- Procesi i përzgjedhjes së sportistëve më të suksesshëm u bazua në aplikimet e bëra nga klubet dhe individët, sipas konkursit të hapur nga data 26 dhjetor 2024 deri më 18 janar 2025. Në total, aplikuan 7 klube dhe një individ, duke prezantuar kandidaturat e tyre për çmime në kategori të ndryshme.

Foto:



- **17 shkurt 2025-** Në Shtëpinë e Kulturës në Shtime është mbajtur ekspozita me titull “17 Vepra për 17 Vjetorin e Pavarësisë së Kosovës”, që solli në pah talentin dhe kreativitetin e nxënësve të Gjimnazit “Naim Frashëri” së Shtimes.

Ekspozita “17 Vepra për 17 Vjetorin e Pavarësisë së Kosovës” jo vetëm që tregoi pasionin dhe përkushtimin e nxënësve ndaj vendit të tyre, por gjithashtu shërbeu si një mesazh frymëzues për brezat e rinj që të vazhdojnë të kultivojnë artin dhe kulturën kombëtare.

Foto:



- **17 shkurt 2025-** Është mbajtur koncerti festiv në Shtëpinë e Kulturës në Shtime, i cili është realizuar nga ansambli i këngëve dhe valleve “Ilirida”, duke sjell një program artistik të pasur, duke përcjellë emocion dhe krenari tek të pranishmit. Salla e Shtëpisë së Kulturës ishte e mbushur përplot me qytetarë, të cilët festuan së bashku këtë moment historik për Kosovën, përmes muzikës dhe valleve tradicionale. Ky aktivitet përmbylli një sërë aktivitete të organizuara për këtë përvjetor, duke treguar edhe një herë rëndësinë e kulturës dhe traditës në ruajtjen e identitetit kombëtar.

Aktivitetet për shënimin e 17-Vjetorit të Pavarësisë së Kosovës në Shtime, ishin të organizuara nën patronatin e kryetarit të komunës, Dr. Qemajl Aliu.



- **26 shkurt 2025-** Në Shtëpinë e Kulturës në Shtime është dhënë shfaqja për fëmijë “Libri Magjik” nga Dashuri Rexhepi, e organizuar nga Drejtoria për Kulturë, Rini dhe Sport, fëmijët parashkollorë të komunës sonë patën mundësinë të përjetojnë një aventurë të mrekullueshme përmes magjisë së teatrit



ËSHTË SHËNUAR PËRVJETORI I EPOPESË SË USHTRISË ÇLIRIMTARE TË KOSOVËS

- **5 mars 2025-** Në të gjitha shkollt e komunës tonë është mbajtur ora e parë mësimore kushtuar Epopesë së UÇK-së
- **5 mars 2025-** Në nderim të shënimit të Epopesë së Ushtrisë Çlirimtare të Kosovës, kryetari i komunës së bashku me bashkëpunëtorë, përfaqësues të organizatave të dala nga lufta, veteranë të UÇK-së, familjarë të dëshmorëve, nxënës të shkollës profesionale dhe qytetarë, bënë homazhe në

vendet e sakrificës dhe lavdisë kombëtare, pranë shtatores së Komandantit Legjendar, Adem Jashari, në varrezat e dëshmorëve në Shtime, Mollopolc dhe Reçak, aty ku prehen ata që dhanë jetën për atdheun.

Foto:



- **6 mars 2025** - Në shenjë nderimi për luftën dhe sacrificën për liri, delagacioni nga Komuna, kanë bërë homazhe edhe në Kompleksin Momial "Adem Jashari", në Prekaz.
- **24 mars 2025** – Është licencuar Kori i Qytetit të cilin e themeluan profesor Besnik Brahimi, Erblina Rexhaj dhe Altin Gashi.

Foto



8 PRILL 2025

- Është shënuar dita e komunitetit Rom, aktivitetet janë përkrahur nga DKRS.
- **17 prill 2025**- Në sallën e Kuvendit të Komunës në Shtime është mbajtur seminari në kuadër të projektit "Kultura dhe Kreativiteti për Ballkanin Perëndimor" (CC4WBs), i financuar nga Bashkimi Evropian.
Ky seminar u organizua nga Fondi i Ballkanit Perëndimor në bashkëpunim me Zyrën e Agjencisë Italiane për Bashkëpunim dhe Zhvillim (AICS) në Tiranë.
Seminari kishte për qëllim të rrisë kapacitetet e sektorëve kulturor dhe kreativ në rajon, me fokus të veçantë në përmirësimin e qasjes në financa për këto industri.
Pjesëmarrësit patën mundësinë të fitojnë njohuri praktike dhe të njihen më afër me mundësitë e ndryshme të financimit që mund të përfitojnë, në mënyrë që të zhvillojnë më tej idetë dhe projektet e tyre krijuese.

Foto:



Sport

Të gjitha klubet sportive kan përfunduar garat e sezonit pranveror dhe kan arritur rezultate të kënaqshme:

- **Klubi i Futbollit “Vjosa”** garon në Ligë e Parë “B” të Futbollit në Republikën e Kosovës dhe janë në vendin e tetë në tabelë, ky klub ka edhe shkollën e futbollit me të gjitha grupmoshat të cilët garojnë regjionit të Ferizajit.
- **Klubi i Futsallit “Vjosa”** garon në Superligën e Kosovës në Futsall, janë duke i zhvilluar garat e sezonit pranveror tani në playoff, gjithashtu kanë qenë finalist të Kupës së Kosovës në Futsall, dhe aktualisht janë në vendin e tretë në tabelë.
- **Klubi i Hendbollit “Vjosa” femrat** – kanë përfunduar garat në sezonin pranveror dhe radhiten në vendin e tretë në ligën e parë të hendbollit të Kosovës, ndërsa vazhdojnë garat me grupmoshat e pioniereve ku kryesojnë tabelen në ligën e pioniereve.
- **Klubi i Futsallit “Shtimja 26”** – ky klub është themeluar në vitin e kaluar, por falë organizimit të mirë kan filluar garat në Ligën e Parë të Futsallit në sezonin vjeshtor të vitit 2024, dhe tani i kan përfunduar garat në sezonin pranveror dhe kan arritur rezultate shumë të mira, gjithashtu kan qenë edhe gjysëm finalist të Kupës së Kosovës në Futsall. Ky klub tani është inkuadruar në Superligën e Kosovës në Futsall.
- **Klubi i Hendbollit “Vjosa” meshkujt** - kanë disa ndeshje por nuk i kan vazhduar garat tutje në Superligën e Kosovës në Hendboll dhe janë suspenduar nga garat.
- **Klubi i Volejbollit “Vjosa” femrat** – i kanë zhvillu garat në sezonin pranveror në ligën e parë të volejbollit të Kosovës, dhe kan arrit rezultate të mira dhe radhiten në vendin e Ky klub me ftesë të qytetarit të nderit të Komunës së Shtimes, Hartmut Ganzke, ka qëndruar për vizitë në Gjermani. Gjatë qëndrimit në Gjermani në Unna, vajzat e Klubit “Vjosa” kan zhvilluar dy ndeshje miqësore me ekipet vendase, EVC Massen dhe GSV Fröndenberg, ku në të dy ndeshjet KV”Vjosa” doli fituese me rezultat 3:0.
- **Klubi i Volejbollit “Vjosa” meshkujt** – nuk kanë zhvilluar garat në sezonin pranveror në ligën e parë të volejbollit të Kosovës, tani kan filluar përgatitjet për sezonin vjeshtor që të zhvillojnë garat.
- **Klubi i Veteranëve të Futbollit “Vjosa”** – janë duke i zhvilluar garat në Ligën e Veteranëve në Futboll.
- **Klubi i Çiklizmit “Vjosa”** – klubi i Çiklizmit „Vjosa” në mungesë të fondeve nuk kan zhvilluar aktivitete dhe garat, por do të marrin pjesë në kampionatin shtetëror nga data 19,21 dhe 22 qershor 2025.
- **Klubi i Motocrossit “Vjosa”** – ka realizuar garën në kuadër të Federatës të Motocrossit në Kosovës, e cila është mbajtur në Shtime. Në këtë garë morën pjesë mbi 50 garues nga Kosova, Shqipëria dhe Maqedonia e Veriut, duke dëshmuar karakterin ndërkombëtar të aktivitetit dhe nivelin e lartë të organizimit. Halit Rexhaj, Imer Salihaj dhe Alban Ademaj, këta sportistë u dalluan në garën "MX Vjosa Race" duke zënë vendin e parë, të dytë dhe të tretë.
- **Klubi i Kik-Boksit “Skender Salihaj”** – kanë zhvilluar aktivitetet e tyre në kuadër të kalendarit të Fedartës së Kik-Boksit të Kosovës, kanë marr pjesë në kupën botërore që është mbajtur në Turqi, ku nga ky klub kan marr pjesë këta kikboksierë , Arbër Salihaj, Erinda Velu dhe Taulant Salihaj si dhe treneri Nesret Salihaj
- **Klubi i Boksit “Skender Salihaj”** – janë zhvilluar aktivitetet e tyre në kuadër të kalendarit të Fedartës së Boksit të Kosovës, kanë marr pjesë në turne të ndryshëm në Kosovë.
- **Klubi i Karatesë “Vjosa”** – kanë zhvilluar garat në kuadër të Federatës së Karates të Kosovës.
- **SHBA”Guri i Shtrejtë” dhe SHBA”Vjosa** -kan zhvilluar disa aktivitete të bjeshkatarisë, ecje me rastin e datave me rëndësi në komunën e Shtimes.

SUBVENCIONET

Drerjtoria për Kulturë, Rini dhe Sport, gjatë kësaj periudhe, ka bër tri thirrje publike për përkrahje financiare për OJQ-të rinore, kulturore dhe klubet sportive.

Thirrja për sport ka vlerën prej 70,000.00€ dhe ka përfunduar, kanë përfutur 19 klube sportive e shoqata sportive-rekreative dhe 2 individ (të bashkangjitur do të keni edhe vedimin e komisionit të subvencioneve me listen e përfituesve)

Thirrja për Kulturë dhe për Rini ka vlerën prej 25,000.00€, ka përfunduar por ende nuk janë shqyrtuar nga komisioni.

Thirrja për Mbështetje të Autorit ka vlerën prej 5,000.00€ dhe ka përfunduar aplikimi, por ende nuk janë shqyrtuar nga komisioni për subvencione.

MUZEU I QYTETIT

Gjatë periudhës janar- prill, Muzeun e Qytetit e kanë vizituar (177) vizitorë ku (102) prej tyre kanë qenë meshkuj dhe (75) prej tyre femra, po ashtu në mënyrë të organizuar kanë vizituar muzeun, gazetarë, studentë të historisë, nxënës të shkollave, të cilët kanë parë për së afërmi reliktet dhe eksponatet që janë në muze dhe kanë mësuar për historinë dhe vlerat e muzeut, pastaj ka pasur vizita edhe nga OJQ-ët dhe televizionet e ndryshme, institucionet etj.

Më datë 29.04.2025 Lumturije Lubovci nga fshati Godanc I Ulët ka sjell në Muze:

Dy arka për rroba, një fun, një furk, një bosht, dy shtiza, dy pshallaka, një këmish pëlhure edhe një llull të gjitha të vjetra mbi 50 vite nga Nëna e saj Feride Lubovci.

BIBLIOTEKA E QYTETIT

Ky raport përmbledh aktivitetet, statistikën dhe të arriturat e Bibliotekës së Qytetit- Shtime gjatë periudhës janar – prill 2025. Biblioteka ka qenë aktive në organizimin e aktiviteteve edukative dhe kulturore për fëmijë, të rinj dhe komunitetin e gjerë, duke synuar zhvillimin e shprehisë së leximit dhe edukimit digjital.

1. Statistikat Kryesore
 - Anëtarë të rinj: 101
 - Lexues të regjistruar: 473
 - Lexues aktivë: 376
 - Libra të huazuar: 459
 - Libra të kthyer: 436
 - Tituj të rinj të pranuar: rreth 500
2. Aktivitetet e Zhvilluara
 - 17 Shkurt 2025 – Aktivitet kreativ: Lexim dhe Pikturim, me pjesëmarrje të rreth 115 fëmijëve. Punimet më të mira u shpërblyen me dhurata simbolike.
 - 19 Shkurt 2025 – Fillimi i Orës së Leximit për të Vegjlit, tashmë aktivitet i rregullt që mbahet çdo të mërkurë, ora 10:00.
 - Çdo të martë – Kursi i robotikës, ku fëmijët përgatiten për garat e Kosova Makers League, aktiv që nga viti 2021.
 - Përgjatë muajit mars – janë mbajtur dy punëtori për qytetari digjital, në bashkëpunim me organizatën Bonevet.
 - 21 Mars 2025 – Aktivitet për Ditën Botërore të Poezisë, me pjesëmarrje të të rinjve krijues dhe lexim të poezive.
 - Prill 2025 – U shënuar Dita Ndërkombëtare e Librit, me aktivitete gjithëpërfshirëse: lexim, punëtori, kënde pikturimi dhe dhurim librash.
 - Vizita zyrtare e Presidentes së Republikës së Kosovës, znj. Vjosa Osmani, e cila vlerësoi punën dhe angazhimin e bibliotekës në edukimin e gjeneratave të reja.
 - Vizitë e miqve anglez nga Qendra 'Alfa Omega' të cilët dhuruan rreth 400 libra në gjuhën angleze.
3. Bashkëpunime
 - Bashkëpunim i vazhdueshëm me shkollat e komunës për vizita dhe aktivitete të përbashkëta.
 - Partneritet me organizatën Bonevet për zhvillimin e kompetencave digjitale.
 - Pjesëmarrje në platformën Kosova Makers League për edukim teknologjik dhe inovativ.

SHTËPIA E KULTURËS

Të gjitha aktivitetet që janë mbajtur në Shtëpinë e Kulturës:

- 15 janar 2025 - Akademia përkujtimore e Masakrës së Reçakut
- 15 janar 2025 - Ekspozita William Volker
- 19 janar 2025 - Filmi Premierë “ Ku je nanë ? “
- 23 janar 2025 - Vizita e William Volker në Ekspozitë
- 31 janar - 7 shkurt 2025 - KQZ, Trajnim
- 14 shkurt 2025 - Program Shkollor IAAP - Festa e Pavarësisë
- 14 shkurt 2025 - Video Klipi i këngëtares, Shkurte Fejza
- 16 shkurt 2025 - Festa e Flamurit të Ashkanlinjve
- 16 shkurt 2025 - Shfaqja Teatrale “ Lenor ” Prishtinë
- 17 shkurt 2025 - Koncerti “ AKV Ilirida “
- 26 shkurt 2025 - Shfaqje për fëmijë “ Libri Magjik “
- 7 mars 2025 - OJQ Linku - Garat e diturisë dhe filmi dokumentar Arsimi në Komunën e Shtimes
- 3 prill 2025 - Trajnimi për bujqit e Komunës së Shtimes
- 10 prill 2025 - Film Dokumentar për Heroin Afrim Selamanaj
- 6 maj 2025 - Festivali i Filmit FERFILM
- 8 maj 2025 - Prova nga Shkolla Fillore për Festën e Abetares
- 16 maj 2025 - Festa e Abetarës nga Shkolla Fillore ‘Emin Duraku’

INVESTIMET KAPITALE

Projektet kapitale që janë të planifikuara në Drejtorinë për Kulturë, Rini dhe Sport, për vitin 2025 janë:

- Projekti “Ndriçimi në fushat sportive në fshatrat Vojnoc, Davidoc, Carralevë, Pjetërshticë, Shtime, Godanc i Epërm, Gllavicë dhe Zborc” ky projekt është dy vjeçar dhe ka vlerën 35,000.00€.
- Projekti “Instalimi, vendosja dhe funksionalizimi i kamerave në objektin kulturor dhe qendrën sportive në Rr. "Skender Salihu" në Shtime” dhe ka vlerën 20,000.00€ dhe është projekt dy vjeçar.
- Projekti “Rregullimi i oborrit të biblioteka e Qytetit” ka vlerën 30,000.00€ dhe është projekt dy vjeçar.
- Projekti “Konverzimi dhe inventarizimi i ekspozitave në Muzeun e Qytetit”, gjithashtu edhe ky projekt është dy vjeçar dhe ka vlerën 45,000.00€

PROJEKTET PËR FURNIZIME DHE SHËRBIME, disa janë ende në procedurë të prokurimit dhe disa kanë përfunduar dhe janë lidhur kontratat si:

Furnizimi me buqeta lulesh, e cila ka vlerën prej 1,090.00€

Furnizim i zyres nga DKRS, kemi vlerën prej 1,211.00€

Furnizimi me material higjienik nga DKRS, kemi vlerën prej 544.95€

Furnizim me paisje tjera nga DKRS, vlera është 930.00€

Furnizimi me printer/fotokopjues nga DKRS, kemi vlerën 500.00€

Koktej me rastin e festave nga DKRS, ende është në procedurë të prokurimit dhe nga DKRS kemi të planifikuar vlerën 1,500.00€

Projekti për manifestimin e Festave Shtetërore dhe Komunale, janë të planifikuara 68,000.00€ për dy vite, kontrat kornizë, ka përfunduar procesi i tenderimit dhe tani është në procesin e vlersimit.

PROJEKTET E PËRKRAHURA NGA MINISTRIA E KULTURËS , RINISË DHE SPORTIT

Projekti, Punët ndërtimore për zbatimin e hollësishëm të arkitekturës dhe inxhinierisë për zgjerimin dhe renovimin e Stadiumit të Qytetit, në këtë projekt punimet janë duke u zhvilluar sipas planit dinamik dhe pritet të përfundojnë sipas planit të menaxhimit..

Projekti, **Renovimi i Palestrës së Qytetit**, punimet në këtë projekt janë duke u zhvilluar sipas planit dinamik dhe vlera e këtij projekti është **528,638.50€**.

Restaurimi dhe Renovimi i Shtëpisë së Përhypirshme, punimet në këtë projekt janë duke u zhvilluar sipas planit dinamik dhe planit të menaxhimit, ky projekt ka vlerën prej **696,575.15€**.

Me respekt,

Albana Fazliu-Drejtorja për Kulturë, Rini dhe Sport



KOMUNA SHTIME
OPŠTINA ŠTIMLJE/MUNICIPALITY OF SHTIME

Komisioni për Shqyrtimin dhe Vlerësimin e Kërkesave për Ndarjen e Subvencioneve dhe Transfereve

Datë: 17.04.2025

Bazuar në Vendimin e Kryetarit të Komunës Nr. 02/195 të Themelimit të Komisionit për Shqyrtimin dhe Vlerësimin e Kërkesave për Ndarjen e Subvencioneve dhe Transfereve dhe në mbështetje të nenit 16 të Rregullorës Nr.04/2017 mbi kriteret, standartet dhe procedurat e financimit publik të OJQ-ve, komisioni për shqyrtimin dhe vlerësimin e kërkesave për ndarjen e subvencioneve dhe transfere, merr këtë:

V E N D I M

Komisioni për Shqyrtimin dhe Vlerësimin e Kërkesave për Ndarjen e Subvencioneve dhe Transfereve ka përcaktuar aplikantët e kualifikuar për mbështetje financiare, si në vijim:

- 1) Lista e projekteve/programeve të OJQ-ve për mbështetje financiare nga Drejtoria për Kulturë, Rini dhe Sport:

Emri i OJQ-së përfituese dhe personave fizik	Emri i projektit dhe/ ose programit apo aktiviteteve të financuara	Shuma e dhënë (Euro)
Klubi i Futbollit "VJOSA"- Shtime	Mbështetje financiare	28,500.00 €
Klubbi i Hendbollit Femrat "VJOSA" Shtime	Mbështetje financiare	4,000.00 €
Klubi i Volejbollit Meshkujt "VJOSA" - Shtime	Mbështetje financiare	3,000.00 €
Klubi i Volejbollit Femrat "VJOSA" - Shtime	Mbështetje financiare	4,000.00 €
MOTOCROSS "VJOSA"-Shtime	Mbështetje financiare	1,500.00 €
OJQ "Link"	Mbështetje financiare	2,500.00 €
Klubi i Boksit "SKËNDER SALIHAIJ" - Shtime	Mbështetje financiare	2,000.00 €
Klubi i Çiklizmit "VJOSA"- Shtime	Mbështetje financiare	5,000.00 €
Klubi i Karates "VJOSA"-Shtime	Mbështetje financiare	2,000.00 €
Klubi i Kik-Boksit "SKËNDER SALIHAIJ"-SHTIME	Mbështetje financiare	3,000.00 €
Klubi i Futsallit "VJOSA"-Shtime	Mbështetje financiare	15,000.00 €

Klubi i Skijimit "Vjosa"	Mbështetje financiare	500.00 €
Shoqata e Peshkatarëve "SALMONI"- Shtime	Mbështetje financiare	2,500.00 €
SHBA Vjosa	Mbështetje financiare	1,000.00 €
SHBA "GURI i SHTRENJTË"- Shtime	Mbështetje financiare	1,500.00 €
Klubi i Veteranëve të Futbollit "Vjosa"	Mbështetje financiare	2,500.00 €
Autoklubi "Vjosa"	Mbështetje financiare	1,500.00 €
Klubi i Fustallit "Shtimja 2026"	Mbështetje financiare	2,500.00 €
Klubi i Fustallit "Lumi"	Mbështetje financiare	1,000.00 €
Besim Ismajli	Mbështetje financiare	500.00 €
Mirlind Mahmuti	Mbështetje financiare	500.00 €

Këshillë Juridike: Kundër vendimit të komisionit vlerësues aplikantët mund të ushtrojnë ankesë duke ju drejtuar Komisionit të Ankesave, brenda 5 ditësh nga data e publikimit të vendimit.

Anëtarët e Komisionit:

- 1) Bajram Gashi-Kryesues
- 2) Safet Brahimi-anëtar
- 3) Faton Shatmani-anëtar i jashtëm në cilësinë e ekspertit
- 4) Tringa Rushiti-anëtare
- 5) Shqiprim Hyseni-anëtar